



Z A P I S N I K

Sa 2. sjednice Općinskog vijeća Maglaj
održane dana 28.12.2016.godine u 13,00 sati u sali
JU Dom kulture «Edhem Mulabdić» Maglaj

Sjednicom predsjedava Svjetlana Zamboni , predsjedavajući OV.

Sjednici prisutni Općinski načelnik Mirsad Mahmutagić, Ramiza Šišić, predstavnik općinske administracije.

Zapisničar, Nisveta Bašić .

Predsjedavajuća OV , govori na osnovu člana 59. Poslovnika o radu Općinskog vijeća Maglaj i zaključka Kolegija OV od 21.12.2016.godine, Programa rada OV za 2016.godinu, te ukazane potrebe otvaram 2. sjednicu Općinskog vijeća Maglaj.

Današnjoj sjednici pozvani su vijećnici parlamentarnih političkih stranaka, SDA-a, SDP-a, SBB, DF, HDZ, SBiH, SP/U. Pozivan je i Općinski načelnik, rukovodioci općinskih službi, predstavnici JU i JP, kao i predstavnici čiji materijali će biti razmatrani na današnjoj sjednici OV. Poziv i materijal dostavljeni su OSCE-ovom uredu Travnik i sredstvima informisanja koji prate rad današnje sjednice Vijeća. Sve vas pozdravljam i pozivam da odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Izvršena je prozivka prisutnih vijećnika i konstatujem da sjednici prisustvuje 24 vijećnika.

Nije prisutna vijećnica Avdić Selma.

Konstatujem da OV može punovažno raditi, odlučivati, donositi odluke, zaključke i rješenja, ovim je ispoštovan član 88. Poslovnika o radu OV Maglaj.

U skladu sa članom 80. Poslovnika o radu na današnjoj sjednici izvršiti ćemo verifikaciju zapisnika sa konstituirajuće sjednice OV.

Da li ima primjedbi na zapisnik ?

Vijećnik Hajrudin Fermić, predlažem u zapisnicima sa Općinskog vijeća da u rezultatima glasanja budu napisana pojedinačna imena i prezimena onih koji se izjašnjavaju za, protiv ili uzdržan, da to ne bude kao što je bilo u prethodnom periodu samo učešće, pripadnost političkoj stranci. Znam da je bila praksa u prethodnom periodu, ali mandat svakog vijećnika pripada njemu samom i samim tim i prilikom glasanja bez obzira kako se vijećnici izjašnjavali treba da bude precizirano ime i prezime. Predlažem, može u zapisniku da stoji ime i prezime pa u zagradi naziv stranke.

Predsjedavajuća OV, prije nego usvojimo Zapisnik, dajem na glasanje prijedlog gospodina Fermića, da od sada u zapisniku se navodi ime i prezime vijećnika po njegovom izjašnjavanju i u zagradi pripadnost političkoj partiji.

Usvojeno jednoglasno

Dajem na verifikaciju Zapisnik sa prve redovne sjednice OV.

Verifikuje se Zapisnik sa prve redovne sjednice OV od 6.12.2016.godine.

Usvojeno jednoglasno.

Predsjedavajuća OV, prije sjednice održan je Kolegij OV oko usvajanja izmjena dnevnog reda, pročitat ću u cijelosti dnevni red, otvaram raspravu.

Predsjedavajuća OV, prije nego stavim novi prijedlog dnevnog reda na glasanje, pročitat ću član 64. stav 2. dakle, na prijedlog Kolegija OV odlučuje Općinsko vijeće. Obzirom da je sjednica Kolegija održana i da je izmjena dnevnog reda usvojena uz jedan glas protiv, predlažem

D N E V N I R E D

- 1. Odluka o izmjenama i dopunama Budžeta/Proračuna Općine Maglaj za 2016. godinu**
- 2. a) Prijedlog Budžeta/Proračuna Općine Maglaj za 2017.godinu - decembar 2016. godina;**
b) Prijedlog Odluke o izvršavanju Budžeta Općine Maglaj za 2017.godinu –

- decembar 2016.godina;
- c) Informacija o Programu mjera štednje i racionalizacije Budžeta/ Proračuna za 2017. godinu - decembar 2016. godine;
3. Prijedlog Programa rada OV Maglaj za 2017.godinu - decembar 2016. godine;
 4. Prijedlog Rješenje o dopuni Rješenja o imenovanju Komisija kao stalnih radnih tijela Općinskog vijeća – decembar 2016. godine;
 5. Prijedlog Rješenja o produženju važenja imenovanju Komisije za procjenu prometne vrijednosti nekretnina na kraći period - decembar 2016. godine;
 6. Informacija o stanju problema narkomanije na području općine Maglaj – decembar 2016. godine;
 7. Informacija o studentskim stipendijama za akademsku 2015/2016. godinu – decembar 2016. godine;

Otvaram raspravu

Vijećnik Safet Jašić, Klub SDA prihvata dnevni red uz rješenja iz Službe za urbanizam. Klub SDA smatra druga je sjednica OV, a skidaju se s dnevnog reda ta ista rješenja i razmišljanja smo da nije dobro za male privrednike da toliko čekaju. Klub SDA predlaže da se ova rješenja ne skidaju s dnevnog reda i da se o istim razmatra danas bez obzira što nije komisija zasjedala.

Vijećnik Muhamed Hrnjić, vezano za dnevni red, Komisija za privredu je imala jedan sastanak i trebalo je da raspravljamo o ovim tačkama dnevnog reda. Mi smo donijeli zaključak da ne raspravljamo i da ih skinemo danas s dnevnog reda. Razlog je što Komisija koja je predložena nije još imenovana. Razlog je što smo Klubu SDA dali vrijeme do prošlog Kolegija da sa svojim članovima popune komisije, oni to nisu uradili, mi smo popunili sad sve komisije. Razlog što nismo u ponedjeljak održali sastanak i nismo dozvolili da ovo ide na Vijeće zato što nismo verifikovani. Predlažemo da se skinu s dnevnog reda. Komisija je tražila nešto što do sad nije bilo da na svakom pojedinačnom aktu se potpisuju obrađivač općinske administracije, da se potpisuje i općinski pravobranitelj.

Vijećnik Safet Jašić, gospodine Hrnjiću sad ste rekli niste bili formirani a vi se sastajete. Mislim da nije korektno da spominjete SDA da nisu dostavili prijedloge. Eto popunili ste komisije i ja vam želi sreću da radite što bolje i što efikasnije za građane. Niste se morali sastajati prije nego se popune sve komisije.

Vijećnik Mirza Bradarić, vi znate da smo na prošloj sjednici imali akte iz Službe za urbanizam, koje smo skinuli s dnevnog reda iz jednog razloga što komisije nisu formirane. Vi znate razlog zašto te komisije do ovog dana nisu potvrđene i zvanično. Moj prijedlog je bio zbog ubrzanja, obzirom da smo imali Komisiju za privredu koja je imala određeni broj članova koja može raditi da se oni sastanu neformalno da malo razmotre ove akte iz Službe za urbanizam. Obzirom da je na današnjem dnevnom redu trebala ova tačka biti poslije donošenja rješenja o imenovanju komisija, smatrao sam da će to biti jedan ubrzan proces kako bi tačka akti iz Službe bila brže razmatrana. Komisija već ima nekakav zvaničan stav koji bi iznijela na Vijeću kako bi uštedjeli samo na vremenu. To je jednostavno bio moj prijedlog čisto radi ubrzanja situacije i radi efikasnosti rada OV.

Predsjedavajuća OV, dajem na usvajanje novi usaglašeni prijedlog dnevnog reda.

Glasalo je 14 za Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Hajrudin Ferić, Fikret Delić (DH), Muhamed Hrnjić, Mustafa Bešić (SBB), Mustafa Buljubašić (SP/U), Elvir Vehabović (SBiH), Josip Jurišić (HDZ).

10 protiv - Adis Abdurahmanović, Nedžad Alispahić, Kanita Bašić, Mirsad Bejzić, Benjamin Čičkušić, Edib Delić, Safet Jašić, Ermina Muminović, Dženita Smajlović (SDA).

Predsjedavajuća OV, prije prelaska na dnevni red želim obavijestiti sve prisutne goste da obrasce za diskusiju mogu preuzeti kod predstavnika Službe Općinskog načelnika i općinskog vijeća, gospođice Ramize Šišić. Molim vas da svoju diskusiju ograničite na tri minute i naravno diskutujete o tačkama koje su u interesu grupa ili građana koje predstavljate.

AD – 1 Odluka o izmjenama i dopunama Budžeta/Proračuna Općine Maglaj za 2016. godinu

Senada Alibajraktarović, - uvodničar dala obrazloženje po prvoj tački dnevnog reda.

Otvaram raspravu

Vijećnik Hajrudin Ferić, u svom izlaganju ... Ja ću postaviti samo dva pitanja:

1. Zašto Rebalans Budžeta nije bio predložen ranije ?
2. Kakav je bio sistem praćenja i kontrole utroška pojedinih budžetskih izdvajanja, da li je bilo potrebe možda i ranije da se ponudi ovakav materijal?

Vrlo je teško govoriti o samoj opravdanosti prebacivanja određenih stavki, tako da je vrlo teško o tome razgovarati.

Stav većine u ovom Vijeću bit će da ćemo po ovom pitanju Rebalansa Budžeta biti suzdržani.

Vijećnik Safet Jašić, na Kolegiju koji je održan ranije prije nego što smo dobili materijale za Vijeće Načelnik je najavio da će biti rebalans, i da postoji mogućnost da ćemo dobiti materijale na samom vijeću. Ja sam tako i prihvatio. Klub SDA će podržati ovaj rebalans Budžeta.

U raspravi je učestvovao i Mirsad Mahmutagić općinski načelnik.

Pauza za Klub SDP-a i koalicioni blok.

Vijećnik Nedžad Lokmić, stav koalicionog bloka je, a cijeneći prethodno glasanje sa prve sjednice kad se glasalo o izvršenju Budžeta, mi smo stava da se treba voditi računa ranije i da ovakve tačke dnevnog reda trebaju dolaziti u ranijim periodima. Mi koalicioni blok ćemo biti suzdržani po pitanju ove tačke.

Predsjedavajuća OV, zaključujem raspravu i dajem na glasanje **Odluku o izmjenama i dopunama Budžeta/Proračuna Općine Maglaj za 2016. godinu.**

Glasalo je 11 za - Adis Abdurahmanović, Nedžad Alispahić, Kanita Bašić, Mirsad Bejzić, Benjamin Čičkušić, Edib Delić, Safet Jašić, Ermina Muminović, Dženita Smajlović (SDA), Josip Jurišić (HDZ).

13 uzdržanih - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Hajrudin Ferić, Fikret Delić (DF), Muhamed Hrnjić, Mustafa Bešić (SBB), Mustafa Buljubašić (SP/U), Elvir Vehabović (SBIH).

Z A K L J U Č A K

1.1. Ne usvaja se Odluka o izmjenama i dopunama Budžeta/Proračuna Općine Maglaj za 2016. godinu.

- AD –2 a) Prijedlog Budžeta/Proračuna Općine Maglaj za 2017. godinu;
 b) Prijedlog Odluke o izvršavanju Budžeta Općine Maglaj za 2017.godinu;
 c) Informacija o Programu mjera štednje i racionalizacije Budžeta/ Proračuna za 2017. godinu;

Senada Alibajraktarević, - uvodničar dala obrazloženje po drugoj tački dnevnog reda.

Otvorena je rasprava

Vijećnik Hajrudin Ferić, želim istaći da je potrebno prilikom izrade obrazloženja nakon javne rasprave i nakon rasprave poslije nacrtu da se napišu rečenica-dvije u obrazloženjima i o razlozima opravdanosti, ili neopravdanosti nekog konkretnog zahtjeva. Time pokazujemo da širimo i dajemo podršku građanima i svima onima koji su učestvovali u javnoj raspravi da držimo do njihovog prijedloga i mišljenja, bez obzira da li to bilo uvršteno ili ne.

Sve ono što nas čeka u 2017. godini a mislim da govorimo na osnovu programa donesenih od strane Općinskog vijeća sa tačno jasnim naznačenim kriterijima i redovnim izvještavanjem o utrošku tih sredstava, da OV, građani i javnost u novoj godini raspolažu sa svim informacijama i programima i o svemu tome. Sugeriram da do donošenja Izvještaja o izvršenju Budžeta Općine Maglaj za prošlu godinu dostavi: **Informaciju o strukturi dugovanja Općine prema drugim dobavljačima sa navedenim razlozima na osnovu kojih je stvorena obaveza i programom anuliranja tog duga. Da se u toku izrade izvještaja, informacija o Budžetu obavezno dostave i kolone sa brojevanim pokazateljima broja uposlenih za sve budžetske korisnike po naosob.** Vjerujte da prateći te tabelarne prikaze Budžeta i sa lokalnih zajednica i sa nivoa kantona, meni je kao laiku jasno i vidljivo koliko koje ministarstvo ima zaposlenih, koliko koja služba, itd. U mnogim budžetima, ovdje čovjek treba biti detektiv da sazna koliko je zaposleno u nekoj od javnih ustanova ili u Općini Maglaj. U ovim kolonama će se tačno znati i eventualne izmjene i broja uposlenih i to je transparentno da se zna.

Nadamo se da je planirano i prijevoz đaka srednjih škola. Ekonomski kod 614-311 – tekući transferi neprofitnim organizacijama, analitički dio 143 privatna ustanova «Dječiji osmijeh» - sufinansiranje redovne djelatnosti. Ja predlažem da tu stoji, sve ovako kako stoji, samo da stoji umjesto sufinansiranje redovne djelatnosti da stoji realizacija edukativnih programa. Ekonomski kod 614 324 boračka udruženja analitički dio 113,114 i 115. da se umanje u iznosu od 1.000,00 KM, a da se taj iznos sredstava 3.000,00 KM, prebaci na poziciju 139 ostala boračka udruženja, pa da iznos na toj poziciji bude 5.000,00 KM. U kategoriji ostala civilna udruženja analitički kod 118 da se doda i Udruženje građana za borbu protiv dijabetesa Maglaj sa iznosom od 2.000,00 KM, a da se ova sredstva prebace sa ekonomskog koda 614 311 analitički dio 121 finansiranje parlamentarnih grupa tako da

ovoj stavki ostane 73 hiljada KM ili da doda ovo udruženje na analitički dio 118 sa jasnim nazivom udruženja i iznosom.

Želim da pohvalim u prijedlogu ovog Budžeta, a to je uvršteni kod 614 524 subvencija za rad malih i srednjih preduzeća i obrta u iznosu od 80.000,00 KM. Vjerovatno su službe i znale da je donesen Zakon o poticajima maloj privredi na nivou kantona i stupa na snagu 1.1.2017. godini koji daje i određene obaveze lokalnim zajednicama, prije svega da kreiraju programe da to dostavljaju nadležnim ministarstvima i da sva ova sredstva budu i kontrolisana, koordinirana i naravno tu su propisani i uslovi dobijanja poticaja, ali svakako da je ovo jako dobro i pohvalno...

Vijećnik Mustafa Bešić, vezano za Budžet Općine Maglaj imam nekih sugestija i primjedbi. Tražim od boračkih udruženja da dostave plan rada za 2017. godinu, i informaciju u što se troše budžetska sredstva? ...

Moj prijedlog za ubuduće će biti da se ukinu sredstva iz Budžeta, ja sam RVI plaćam članarinu po 2,00 KM svaki mjesec i neka se finansiraju iz svojih sredstava, a te pare koje Općina daje udruženjima, neka se finansiraju socijalno ugrožene osobe.

Ja kao predsjednik Mjesne zajednice u prethodnom periodu sam uvijek podnosio zahtjev za obilježavanje manifestacija u mjesnoj zajednici. Imamo memorijalni turnir i mislim da u prethodnom periodu nismo bili dovoljno zastupljeni, kao neke druge mjesne zajednice. Sugerisem Načelniku da ovih 6.000,00 KM dijeli jednako svim mjesnim zajednicama.

Vijećnik Safet Jašić, Klub SDA je razmatrao Budžet Općine Maglaj i na javnoj raspravi smo učestvovali. Klub vijećnika SDA traži da se u obrazloženju navede čije sugestije i prijedlozi su usvojene, djelimično prilikom izrade prijedloga Budžeta, da se upoznaju svi učesnici javne rasprave.

Klub vijećnika SDA izražava svoje zadovoljstvo što su prihvaćene sugestije za povećanje poticaja privrede, kao i sugestije za dio koji se odnose za tekuće održavanje i izgradnju putne infrastrukture. Sredstva za održavanje kulturno historijskog naslijeđa kao i vraćanje granta za vjerske zajednice na plan iz 2016.godine. I dalje smo pri stavu da treba povećati poziciju u Budžetu kada je u pitanju subvencioniranje poticaja razvoja poljoprivrede, povećanje iznosa sredstva za infrastrukturu i izradu projektne dokumentacije za sanaciju klizišta, povećanje sredstava za sport, JU Dom zdravlja, Crveni križ, promociju i povećanje sredstava namijenjenih za socijalnu i zdravstvenu zaštitu građana na minimumu egzistencije, te povećanje sredstava za rad mjesnih zajednica. Klub vijećnika SDA traži zbog čega nije uvršten u finansiranje predškolska ustanova Dječiji vrtić «Mala raja», znamo da su i JU Dječiji vrtić i «Dječiji osmijeh» uvršteni, a ova ustanova nije. Tražimo detaljan odgovor zbog čega u prijedlog Budžeta nije usvojena naša primjedba vezano za poziciju izdavanje za tekuće održavanje rasvjete, treba uraditi projekat rekonstrukciju ulične rasvjete po fazama te utvrditi prioritete rekonstrukcije iste. Posebno izražavamo svoje nezadovoljstvo što je na poziciji Budžeta ostao iznos za povećanje plaća u općinskoj administraciji kao i u Nacrtu. Jel to znači da će doći do povećanja plaća u općinskoj administraciji? Ponovo tražimo da se na ovoj poziciji utvrdi iznos kako je to bilo predviđeno u 2016. godini. Klub vijećnika SDA iz naprijed navedenih razloga i svih ovih dešavanja neće podržati prijedlog Budžeta za 2017. godinu.

Vijećnik Mirza Bradarić, ... Dao bih jedan prijedlog strana 8. u prijedlogu pod kategorija 613 973 Izdaci za pripravnike bez zasnivanja radnog odnosa za stručno osposobljavanje po Zakonu o radu - novi Zakon. U prijedlogu nacrtu Budžeta za 2017. godinu ovdje stoji cifra od 25.000,00 KM. Ja bih dao prijedlog da se ova cifra od 25.000,00 KM poveća za 20.000,00 KM na 45.000,00 KM iz razloga što znam da već 6 mojih kolega je na čekanju za odobravanje pripravnčkog staža. Na strani 14. podkategorija 4 analitički dio 615 118 sufinansiranje kandidiranih projekata iz oblasti boračko-invalidske i socijalne zaštite kao i projekata vezanih za raseljena i izbjegla lica prijedlog od 120.000,00 KM, da se iz ovog prijedlog odbije iznos od 20.000,00 KM i doda na ovu cifru od 25.000,00 KM...

Vijećnik Nedžad Lokmić, ... Stav Kluba vijećnika SDP-a će biti da se prijedlog Budžeta Općine Maglaj za 2017. godinu usvoji.

Vijećnik Mustafa Buljubašić, Mješoviti Klub SP/U i SBiH će podržati prijedlog Budžeta za 2017. godinu.

U raspravi su učestvovali, vijećnik Safet Jašić, Arif Mujkanović, Mirsad Mehinagić, Adem Bradarić, Mirsad Mahmutagić općinski načelnik.

Vijećnik Safet Jašić, hoću da sugerisem Općinskom načelniku. Ja sve što kažem, kažem u ime kluba i ne mislim da je išta zlonamjerno.

Vijećnica Bašić Kanita, ja bih postavila jedno pitanje za Načelnika. Rekli ste da udruženja i sportski klubovi nisu pravili svoje izvještaje i pravdanja na vrijeme, pa bih molila da nam u pisanoj formi dostavite koja su to udruženja i sportski klubovi koji nisu pravili na vrijeme?

Mirsad Mahmutagić općinski načelnik, rekao sam da neće niko dobiti naredne tranše dok ne opravda prethodne, svaku dobivenu marku i da će se ići po osnovu kriterija. Svi sportski klubovi dobit će novac po kriterijima koji im bude pripadao...

Klub DF zatražio je pauzu.

Predsjedavajuća OV, nakon sumiranja prijedloga, zaključujem raspravu i stavljam na usvajanje **Prijedlog Budžeta/Proračuna Općine Maglaj za 2017. godinu**

Z A K L J U Č A K

2.1. a) Usvaja se Budžet/Proračun Općine Maglaj za 2017. godinu, uz izmjene:

- Sa ekonomskog koda 614-324 analitički dio 113, 114, 115 da se umanje sredstva za po 1.000,00 KM, a da se te 3.000,00 KM prebace na kod ostala boračka udruženja, za potrebe finansiranja potreba boračkih udruženja.
- Sa stavke 615 118 – 4 - Sufinansiranje kandidiranih projekata iz oblasti boračko-invalidske i socijalne zaštite, kao i projekata vezanih za raseljena i izbjegla lica - umanjiti iznos od 20.000,00 KM , za isti iznos povećati stavku 613 973 - Izdaci za pripravnike bez zasnivanja radnog odnosa za stručno osposobljavanje po Zakonu o radu - novi Zakon, na iznos od 45.000,00 KM.

Glasalo je 14 za - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Hajrudin Fermić, Fikret Delić (DF) , Muhamed Hrnjić, Mustafa Bešić (SBB), Mustafa Buljubašić (SP/U), Elvir Vehabović (SBiH), Josip Jurišić (HDZ).

10 protiv Adis Abdurahmanović , Nedžad Alispahić, Kanita Bašić, Mirsad Bežić, Benjamin Čičkušić, Edib Delić, Safet Jašić, Ermina Muminović, Dženita Smajlović (SDA).

Predsjedavajuća OV, otvaram raspravu po pitanju tačke 2. b), nije bilo rasprave, zaključujem raspravu i dajem na glasanje **Odluku o izvršavanju Budžeta Općine Maglaj za 2017. godinu.**

Usvojeno jednoglasno

Z A K L J U Č A K

2.2. b) Usvaja se Odluka o izvršavanju Budžeta Općine Maglaj za 2017. godinu.

2 c) Informacija o Programu mjera štednje i racionalizacije Budžeta/ Proračuna za 2017. godinu.

Predsjedavajuća OV, otvaram raspravu po pitanju tačke 2. c)

Vijećnik Hajrudin Fermić, dobro je da imamo ovaj Program mjera štednje i racionalizacije Budžeta za 2017. godinu, da to bude vodilja kako Načelniku kao šefovima službi, tako i nama vijećnicima u OV. Takođe bi bilo dobro da se u realizaciji izvršenja izvještava kvartalno najmanje, kako ide, koja su zapažanja, koji su efekti itd. Puno toga ima, a sugerišemo da se prilikom realizacije izvršenja ovog Programa mjera štednje i racionalizacije vodi računa o tome kako rade Upravni odbori JU i JP. Oni koji analiziraju i koji su vidjeli rad tih Upravnih odbora, planove u Budžetima sa prethodne godine, pa i za ovu 2017. godinu vidimo da su uglavnom planirana sredstva od nekih 2.000 KM, da li se ona izvršavaju ili ne izvršavaju to je drugo pitanje, ali kad se pročita izvještaj o radu tih preduzeća i ustanova vidite da je bilo od 1-3 ili 5 sjednica UO, onda bi postavili pitanje. Zašto se i planiraju ta sredstva i po kojim kriterijima? Ja ne znam možda i postoji neka odluka, ali mislim da ne postoji i zbog toga bi se tu moglo prilično toga racionalizovati. Svjedoci smo da nam sa viših nivoa vlasti dolaze određene kritike, pa i od Premijera ZDK kako pojedini direktori JU imaju enormne plate, čak veće i od njega kao Premijera. Kad se vratimo na naš teren vidimo da su upravo Upravni odbori koji regulišu pitanje plata tih direktora u JU. Ne znam da li je to do sad bilo riješeno ikakvim odlukama, na koji način se utvrđuju plate direktora, pa na neki način i zaposlenika. Imamo jedno šarenilo imamo da su neki ljudi na zagaranovanom, a imamo druge koji imaju po 220 ili 190 hiljada KM, isti broj radnika, isti status itd. a ja ne znam zbog čega je to tako bilo. Mi imamo pravo da utvrđujemo neke okvire koji su u skladu sa zakonom i kolektivnim ugovorom i da pratimo kako se to sve radi.

Treba što prije informisati OV o strukturi duga Budžeta koji je i naveden i piše da je to 600.000,00 KM, a planirano oko 130.000,00 KM za 2017. godinu da se dio duga vrati.

Takođe, jedan od načina ubiranja više sredstava treba da bude politika prodaje zemljišta, zakupa ili druge imovine koja je vlasništvo Općine i o tome voditi računa.

Već smo spominjali rad komisija, u kojima je potreban angažman uposlenika iz Službi i misli da se i to treba racionalizovati.

Većina općina je već tražila da se napravi godišnji plan na kojima je Općinsko vijeće uz saglasnost određenih službi dati saglasnost da će to iskazati po pitanju javne rasvjete po mjesnim zajednicama, napominjem

već od ranije imam informaciju koliko problema imaju predstavnici mjesnih zajednica sa računima koji dolaze i znam da će sve mjesne zajednice imati isti problem. Rekli smo da je to samo proširenje i to treba da bude planski usmjeravano, racionalno sa lokalnog aspekta pa ako se ne bi moglo to izdržati naći novi način finansiranja, kako i na koji način da se to finansira ne samo kroz Budžet, da li uvođenjem komunalne naknade ili na neki drugi način.

Također bi predložio da na neki način napravite što prije sistem koordinacije između JU, JP, nevladinog sektora, sa nadležnim odjelima službi u apliciranju za projekte. Masa je tih projekata da se aplicira, neki se i duplaju, sredstva se duplaju, nešto nam prolazi upravo što možda nema neke pomoći iz stručnih službi. Da se uspostavi bilo kakva koordinacija sa tim ljudima da im se olakša.

Vijećnik Edib Delić, Klub vijećnika SDA smatra da ovaj Program mjera štednje i racionalizacije Budžeta za 2017. godinu nema predlagача, pitamo da li je predlagач Općinski načelnik ili neka od službi u Općini? Smatramo da u ovom materijalu ne mogu stajati političke kvalifikacije da je obnova ulične rasvjete predizborne kampanje i da za one koji ne znaju, želim istaći da ulična rasvjeta u naseljenim mjestima radila se isključivo novčanim sredstvima koja su građani izdvajali iz svojih džepova, a Općina plaća samo priključak i potrošnju.

Klub vijećnika SDA smatra da Program mjera štednje treba sadržavati finasnijske pokazatelje. Iz naprijed navedenih razloga Klub SDA će ovu Informaciju primiti k znanju.

Vijećnik Nedžad Lokmić, Klub vijećnika SDP-a Informaciju o Programu mjera štednje i racionalizacije prima k znanju....

U raspravi je učestvovao i Mirsad Mahmutagić, općinski načelnik koji je dao odgovore na pitanja proizašla iz diskusija.

Predsjedavajuća OV, obzirom da se radi o informaciji predlažem da

- Prima se k znanju Informacija o Programu mjera štednje i racionalizacije Budžeta/ Proračuna za 2017. godinu.

AD –3 Program rada Općinskog vijeća za 2017. godinu.

Predsjedavajuća OV, iznijela uvodno izlaganje po pitanju Programa rada Općinskog vijeća za 2017. godinu od usvajanja Nacrta Programa rada OV za 2017. godinu...

Otvorena je rasprava

Vijećnica Edina Jahić, Klub vijećnika SDA prihvata Program rada Općinskog vijeća za 2017. godinu.

Vijećnik Firuz Galijašević, Klub vijećnika SDP-a podržava Program rada OV za 2017. godinu.

Vijećnik Hajrudin Ferić, ovaj Program rada nije zakovana materijala i sve ono što život donosi i sve ono što je za dobrobit ove lokalne zajednice svakako treba da se nađe na sjednicama OV i da raspravljamo o tome. Ovo je prilično ambiciozan program, zaista jeste i u tom smislu Načelnice i vama kao šefu službi i obaveza i odgovornost i teret je da se pokuša u što većem procentu ovaj program da se realizuje.

Predsjedavajuća OV, zaključujem raspravu i predlažem na usvajanje **Program rada Općinskog vijeća za 2017. godinu.**

Usvojeno jednoglasno

Z A K L J U Č A K

3.1. Usvaja se Program rada Općinskog vijeća za 2017. godinu.

AD – 4. Prijedlog Rješenje o dopuni Rješenja o imenovanju Komisija kao stalnih radnih tijela Općinskog vijeća;

Vijećnik Mirza Bradarić, Iznijet ću stav Komisije za izbor i imenovanje Obzirom da je bilo potrebno popuniti 13 članova Komisija u kojima SDA ne želi učestvovati, članovi Komisije za izbor i imenovanje su donijeli slijedeći stav o popuni istih:

HDZ 2 komisije, SBB 2 komisije, SP/U 2 komisije, SBiH 2 komisije, DF 2 komisije i SDP 3 komisije.

Prema tome, smatram da su svi formalno pravni uslovi ispunjeni tako da danas imate konačne prijedloge sastava svih komisija kao stalnih radnih tijela u OV, koje bi danas trebali i zvanično potvrditi.

Ja, kao predsjednik Komisije za izbor i imenovanja, dužan sam da pročitam sastav svih Komisija: Komisija za statutarna pitanja, Poslovnik i propise, Općinskog vijeća Maglaj u sastavu:

1. Hajrudin Ferić, predsjednik
2. Irma Čolaković, zamjenik predsjednika

3. Mirnesa Rakman, član
4. Razija Mušinović, član
5. Anto Karimović, član

Komisija za zaštitu ljudskih prava, predstavke i pritužbe građana Općinskog vijeća Maglaj u sastavu :

1. Irena Herceg, predsjednik
2. Arnela Tumbić, zamjenik predsjednika
3. Zehra Spahić, član
4. Fehim Alić, član
5. Mato Sović, član

Komisija za privredu, prostorno uređenje, urbanizam i zaštitu okoliša , Općinskog vijeća Maglaj u sastavu :

1. Muhamed Hrnjić, predsjednik
2. Faruk Hidić, zamjenik predsjednika
3. Nermin Kadrić, član
4. Mustafa Buljubašić, član
5. Amir Alibajraktarević, član

Komisija za poljoprivredu, vodoprivredu i šumarstvo, Općinskog vijeća Maglaj u sastavu :

1. Jozo Mihaljević, predsjednik
2. Mustafa Bešić, zamjenik predsjednika
3. Jasminko Kapić, član
4. Ferid Mehinagić, član
5. Miralem Mustabašić, član

Komisija za društvene odnose, odnose sa vjerskim zajednicama, boračko invalidska i socijalna pitanja, Općinskog vijeća Maglaj u sastavu:

1. Adil Omić, predsjednik
2. Fikret Delić, zamjenik predsjednika
3. Firuz Galijašević, član
4. Mustafa Bešić, član
5. Niko Lukić, član

Komisija za obrazovanje, nauku, kulturu i sport ,Općinskog vijeća Maglaj u sastavu:

1. Elvir Vehabović, predsjednik
2. Dejana Relotić, zamjenik predsjednika
3. Mirza Spahić, član
4. Aida Hadžić, član
5. Mustafa Topčić, član

Komisija za pitanje mladih i ravnopravnost spolova, Općinskog vijeća Maglaj u sastavu :

1. Jasmin Softić, predsjednik
2. Armin Hrnjić, zamjenik predsjednika
3. Enisa Salkić, član
4. Josip Maglica, član
5. Selma Zukić, član

Etička komisija časti , Općinskog vijeća Maglaj u sastavu :

1. Izet Hasić, predsjednik
2. Niko Kožulović, zamjenik predsjednika
3. Adin Šahinović, član
4. Nedžad Lokmić, član
5. Ivica Domislić, član
6. Nadjib Njemčević, član
7. Edvina Husanović, član

Komisija za zaštitu kulturno historijskog naslijeđa i turizma Općinskog vijeća Maglaj u sastavu :

1. Ivana Širić, predsjednik
2. Remizija Pračić, zamjenik predsjednika
3. Anida Šahman, član
4. Orijana Arifagić, član
5. Tatjana Bajraktarević, član

Komisija za obilježavanje značajnih događaja i ličnosti iz historije Maglaja Općinskog vijeća Maglaj u sastavu :

1. Svjetlana Zamboni, predsjednik
2. Senad Mehinagić, zamjenik predsjednika
3. Amel Bradarić, član
4. Mario Dević, član
5. Fatima Mahmutagić, član

Komisija za dodjelu javnih priznanja Općinskog vijeća Maglaj u sastavu :

1. Nerminka Krzić, predsjednik
2. Edhem Bašić, zamjenik predsjednika
3. Jasminka Šehić, član
4. Asim Musaeferović, član
5. Sabahudin Salkanović, član

Drugostepena stručna komisija, Općinskog vijeća Maglaj u sastavu :

1. Saša Mehić, predsjednik
2. Salim Krzić, zamjenik predsjednika
3. Albin Bradarić, član

Ovo bi bio konačan prijedlog sastava Komisija.

Predsjedavajuća OV, otvaram raspravu

Vijećnik Edib Delić, OOSDA i Klub vijećnika SDA na svojoj zajedničkoj sjednici je donio Odluku da neće prihvatiti ovakve prijedloge imenovanja Komisija OV i neće dozvoliti da se ova vlast odnosi na ovakav način i ruši rejting naše političke partije imajući u vidu da je 42 % vijećnika u OV iz SDA. Imajući u vidu naprijed navedeno, nama pripada 29 mjesta u komisija od ukupno 67 članova. U prošlom mandatu opozicija je imala 32 člana, a pozicija 35 članova, te insistiramo posebno i dalje da se u potpunosti implementira Poslovnik OV i poštuje izborna volja građana. Žao nam je što pozicija neće da dozvoli Klubu vijećnika SDA da učestvuje u radu komisija, što nam onemogućava da budemo konstruktivni i da radimo u interesu građana, a pogotovo imajući u vidu povjerenje koje su građani dali na prošlim izborima bez obzira što u OV djelujemo kao opozicija. Iz ovih razloga ja sam i podnio ostavku na mjesto zamjenika predsjednika Komisije za izbor i imenovanje.

Predsjedavajuća OV, ja moram kratko replicirati vezano za stav da je onemogućen rad u ovim komisijama. Ja mogu konstatovati da je SDA odbila učešće u komisijama nezadovoljna svojim statusom odnosno brojem članova sa koliko bi bili uključeni u komisije. Ne možemo reći da im je uskraćen rad u komisijama

Vijećnik Safet Jašić, kolega Bradarić je iznio stav, kolega Edib je u to vrijeme bio član Komisije, ja sam na Kolegiju izjavio što sam izjavio. To je bio naš stav iz SDA nije izašao nikakav prijedlog. Međutim, izašao sam da se vratim na član 36. Poslovnika o radu OV, gdje stoji ... Jel se to procenti ne pikaju u sastavu ovog Vijeća. 11 je vijećnika SDA u OV, 7 SDP, 2 SBB, 2 DF i po jedan u HDZ, SBiH i SP/U. Mislim da je trebalo to ispoštovati.

Vijećnik Mirza Bradarić, ja ne mogu da vjerujem da kako kolega Delić kaže da vama pozicija ne dopušta da učestvujete u radu radnih tijela pri OV. Ja imam sve dokumentovano, datume, sate itd. koliko sam se puta obratio, potpisao i slao itd. Kada kažete prema stranačkom sastavu kolega Jašiću, koliko se puta tražilo od vas da dostavite prijedloge, da budete i vi kao parlamentarna stranka uključeni u rad ovog Vijeća.

Predlažem da kada se bude radila izmjena i dopuna Poslovnika o radu da u tom članu 36. stoji da se radna tijela formiraju procentualno prema sastavu u Vijeću. Ovdje piše prema stranačkom sastavu u najvećoj mogućoj mjeri....

Vijećnik Safet Jašić, ja sam samo pročitao što piše, mi se samo držimo Poslovnika o radu OV. Ovo je naš stav.

U raspravi su učestvovali i vijećnik Edib Delić, Benjamin Čičkušić, Mirsad Mahmutagić općinski načelnik.

Predsjedavajuća OV, zaključujem raspravu i predlažem na usvajanje

Z A K L J U Č A K

4.1. Donose se Rješenja o imenovanju Komisija OV kao stalnih radnih tijela.

Glasalo je 14 za - Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Hajrudin Ferić, Fikret Delić (DF), Muhamed Hrnjić, Mustafa Bešić (SBB), Mustafa Buljubašić (SP/U), Elvir Vehabović (SBiH), Josip Jurišić (HDZ).

10 protiv Adis Abdurahmanović, Nedžad Alispahić, Kanita Bašić, Mirsad Bežić, Benjamin Čičkušić, Edib Delić, Safet Jašić, Ermina Muminović, Dženita Smajlović (SDA).

AD -5 Prijedlog Rješenja o produženju važenja imenovanju Komisije za procjenu prometne vrijednosti nekretnina na kraći period;

Predsjedavajuća OV, otvaram raspravu po ovoj tački dnevnog reda, materijal ste dobili u sazivu uz obrazloženje ovakvog rješenja.

Nije bilo rasprave, zaključujem raspravu i predlažem na usvajanje

ZAKLJUČAK

5.1. Donosi se Rješenje o produženju važenja imenovanja Komisije za procjenu prometne vrijednosti nekretnina na kraći period.

Usvojeno jednoglasno

AD –6 Informacija o stanju problema narkomanije na području općine Maglaj;

Predsjedavajuća OV, materijal ste dobili u sazivu, otvaram raspravu po ovoj tački dnevnog reda.

Vijećnica Dženita Smajlović, Klub vijećnika SDA je primio k znanju Informaciju o stanju problema narkomanije na području općine Maglaj. Mi smatramo da su podatci izneseni u materijalu zadovoljavajući, ali se bojimo da to nije baš prava slika tog problema. Svjesni smo koliko je problem narkomanije raširen pogotovo mladi ljudi koji su izloženi ovom problemu... Imajući u vidu sve ovo smatramo da nadležne institucije koje mogu dati određeni doprinos, treba da se uvežu i da nastave sa saradnjom kako bi što efikasnije radili na suzbijanju ovog problema koji obuhvata ne samo konzumiranje droge već i posjedovanje i stavljanje u promet narkotika...

Klub vijećnika SDA predlaže da se održi jedna tematska sjednica na temu narkomanije na području naše općine.

Vijećnik Armin Hrnjić, Klub vijećnika SDP-a prima k znanju Informaciju o stanju problema narkomanije na području općine Maglaj.

Vijećnik Hajrudin Fermić, predlažem da ubuduće ova tačka dnevnog reda kad bude došla na sjednicu OV bude informacija o problemima ovisnosti na području općine Maglaj, da se tu uključi problem kokce, alkoholizma i druge itd. Ubuduće da raspravljamo o problemu ovisnosti na području općine Maglaj.

Predsjedavajuća OV, zaključujem raspravu i predlažem da

- **Prima se k znanju Informacija o stanju problema narkomanije na području općine Maglaj, uz sugestije i prijedloge.**

Azra Čakrama, istina je da se radi o Informaciji koja se prima k znanju bilo bi krajnje nekorektno od strane Službe kao predlagača, jeste da su činjenice zadovoljavajuće, ali da nisu stvarni pokazatelji. Ono što sam dužna vam kazati da su pokazatelji prikupljeni od stvarnih institucija nadležnih za dostavljanje ovakve vrste podataka. Obzirom da ih smatram izuzetno tačnim, jer se radi o teškim temama i s obzirom na te navode ovim putem želim da vam kažem da ću poduzeti mjere i da ću od nadležnih direktorica ustanova koje su dostavile ove podatke zatražiti izjašnjenje o stvarnosti podataka koji vam se stavljaju na uvid u Informaciji.

AD – 7 Informacija o studentskim stipendijama za akademsku 2015/2016. godinu ;

Azra Čkarama, uvodno izlaganje po pitanju Informacije...

Otvorena je rasprava

Vijećnica Šahman Anida, Klub SDP-a prima k znanju Informaciju o studentskim stipendijama za akademsku 2015/2016. godinu. Sugeriramo Službi da se ubuduće informacija dostavi u tabelarnom prikazu uz određene prijedloge i sugestije zaključaka koji proizilaze iz dostavljenih podataka. Uključiti maksimalno Komisiju za obrazovanje i Komisiju za mlade vezano za pitanje stipendija, kako bi kao interesna skupina i mladi bili direktno uključeni u pronalaženje prijedloga.

Vijećnik Benjamin Čičkušić, Klub vijećnika SDA prima k znanju Informaciju o studentskim stipendijama za akademsku 2015/2016. godinu.

Predsjedavajuća OV, zaključujem raspravu i predlažem

- **Prima se k znanju Informacija o studentskim stipendijama za akademsku 2015/2016. godinu, uz prijedloge i sugestije.**

VIJEĆNIČKA PITANJA I INICIJATIVE

Vijećnik Benjamin Čičkušić,

Pošto sam u gradu i imam vremena da se družim sa našom omladinom i građanima , pored ovih problema sa narkomanijom i alkoholizmom, mislim da je isto tako veliki problem našeg društva kladionice, jer se samo u gradu na ovako maloj površini nalazi 15 kladionica. Iste se nalaze u blizini školskih objekata, i obzirom da

su kladionice zabranjene za lica mlađa od 18 godina, a primjetno je da se u istim nalaze i djeca od 14-15 godina. Ko je nadležan za praćenje i kažnjavanje lica koja omogućavaju licima ispod 18 godina da ulaze u kladionice i da se klade?

U tim kladionicama primjetno je da se obavlja i uslužna djelatnost, i sam sam se uvjerio u to prilikom posjete inspekcija one se zaključavaju jer vjerovatno nisu u skladu sa zakonom.

Mislím da bi to trebala biti tačka dnevnog reda na jednoj od narednih sjednica i da tome obratimo malo više pažnje. Siguran sam da su posljedice velike.

Pitanje šta da činimo i kome da se obratimo sa osobama sa posebnim potrebama ili osobama koje su mentalno bolesne koje mogu stvoriti potencijalni problem građanima ili sami sebi. Dosta tih osoba su već udarile nečije dijete, da li da nešto uradimo prije nego što se desi.

Inicijativa, nekoliko građana iz mjesta Straište-Ulišnjak dostavili su pitanje pošto ima neasfaltiranog puta u dužini od 900 metara, zamolili su me da postavim pitanje na OV da li će se taj dio puta asfaltirati i kada?

Vijećnik Bešić Mustafa, ima stavka u Budžetu održavanje nekategorisanih puteva. Zamolio bih Načelnika i Službu da se pripreme da se ne desi kao prošle godine da se pomogne ljudima, pogotovo u mojoj mjesnoj zajednici Domislca-Brezovi Dani. Imamo oko 500 metara makadamskog puta. Ja sam prošle godine iz Budžeta dobio oko 200,00 KM. Predlažem da se utvrde kriteriji za mjesne zajednice, a ne da se daje ista visina novčanih sredstava za sve mjesne zajednice, nego da se utvrdi koliko ima puta i da se daju sredstva prema dužini putnih pravaca za održavanje. Molim da se pripreme sredstva za ove namjene.


Završeno u 17,20 sati.

Zapisničar,
Nisveta Bašić




PREDSJEDAVAJUĆA OV,

Syjetlana Zamboni



Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.